

**14. Na Matanina Ludi !**

Ngeye Simbi kibulanga matadi mu nganzi. Ngeye Simbi kidiakesanga bobo mu yinza dia mvita. Ngeye Simbi kibelanga ntindu mia buangala mu Kongo.

Wiza, wiza, wiza kua Bana ba Kongo. Wiza wayitalala Bundu dia Kongo, ye nata dio mu bula matadi mamo mu Nzila Kongo, ye katula Bana ba Kongo, mu Tombe kia nzimbukusu.

**15. Wa, ô ! ngeye Mfumu'a Lufua !**

Ngeye Simbi kizeye salu kia Kinganga. Ngeye Simbi kizeye bokela nganzi za Mazulu. Ngeye Simbi kivuidi Nsabi zanene za Mansueki.

Kulumuna Muningu wa ngolo zaku mu Kinlongo kia Kongo, kidivo Bundu dia Kongo dianata Moyo ye Lufua, mu ntini ziya za Nza.

**16. Nkembo, nkembo, nkembo kua Bisimbi Nsambodia, Bitelamanga, va ntadisi a Kiandu kia Tata Nzambi'a Mpungu.**

**17. Mu Nkumbu'aku, ye mu diambu dia Nkembo'aku, Tulombele bo, Ingeta, Ibobo, Ibobo !**

**NE MUANDA NSEMI**

Nlongi'a Kongo  
Mfumu'a Nlongo mu Katiopa Diakati

Kinshasa, kia 28-4-2014

**BDM  
BUNDU DIA MAYALA**

UN PARTI PAN AFRICANISTE D'AVANT-GARDE  
Récépissé N° 24445 du 2 Mars 2009 du Ministère de l'Intérieur

# **KONGO DIETO 1217**

E-mail : nsuekicominter@gmail.com  
cominterbdk@yahoo.fr

## **LE MESSAGE DU GRAND MAITRE**

La Déclaration Universelle des Droits de l'Homme reconnaît la liberté de pensée et d'opinion à toute personne, à tout Peuple.

## **BINTUADI NSAMBODIA BIA BDK, MU KIMVUKA KIA NTIMANSI**

### **KISALU KIA KIMBANGISI**

1. Ne Muanda Nsemi wena Nzonzi Nsi (= un Député) ku Lusanga iua RDC.
2. Mu nsi zakinkamala (= des pays démocratiques) mu Nza yamvimba, salu kia Kimbangisi, i mu bangisa Luyalu, ye vueza lo, kidivo mfumu za Luyalu lolozasikama, ye luta sala mu tomisa kisalu kiawu.
3. Kadi, BUKONGO bulonganga dio kua Makesa ma Bundu dia Kongo vo : Kindokela mumbuesa diela. Mbangudui vo : Ndiona weti kuvueza wukudisanga ngangu zaku.

### **1. BINTUADI NSAMBODIA BIA BUNDU DIA KONGO**

1. Diena diasonama mu Makaba vo : Tumama bu kukondolo mu Luzolo iua Tata Nzambi'a Mpungu, mamo mankaka malenda vanga muntu mena mampamba.
2. Tata Nzambi'a Mpungu i Makuku Matatu malamba zulu ye ntoto. Bisimbi nsambodia bitelamanga va ntadisi a Kiandu kia Tata Nzambi'a Mpungu.
3. Nsaku, Mpanzu, Nzinga i Makuku Matatu malamba Bundu